



Inatsisartunut ilaasortaq  
Steen Lynge, Demokraatit

## Kigutinik narlorsaasarneq pillugu apeqqummut 252-2019-imut akissut

19-07-2019  
Sags nr.  
Akt nr. 11217988

Asasaraq Steen Lynge

Postboks 1160  
Tlf: 34 50 00  
Fax: 34 55 05  
3900 Nuuk

Inatsisartut suleriaasianni § 37, imm. 1 naapertorlugu kigutinik narlorsaasarneq pillugu Naalakkersuisunut apeqqutit tulluuttut saqqummiussimavatit. Apeqqutitit uannut akineqartussanngorlugit innersuunneqarput.

Email: pn@nanoq.gl  
[www.naalakkersuisut.gl](http://www.naalakkersuisut.gl)

### Apeqqut:

- 1. Tusagassiuutitigut Peqqinnissaqarfimmi aqutsisut paasissutissiisutigaat, kommunimi kigutileriffiit meeqqat kigutaanik narlorissaaneq unitsissagaat. Naalakkersuisut Peqqinnissaqarfimmi aqutsisunit aalajangerneq meeqqat kigutaanik narlorissaaneq kommunimi kigutileriffiit unitsinnissaannut isumaqataappat?**

#### Akissut:

15. juli 2019 tusagassiorfinnut nalunaarummut, ilanngussatut ilanngunneqartumut innersuussisoqarpoq. Kigutinik bøjlelersuisarneq immikkut ilisimasalinnit suliaasaavoq. Suliaritinnginneq imaluunniit kukkusumik suliaritinneq kigutinuq, kigutit mannguinut aammalu tamuasarnermullu ajoqutaasinnaavoq, suliaritinneq qanimut malinnaavigineqanngippat kiisalu piginnaasaqarneq pisariaqartoq pigineqanngippat. Maannakkuugallartoq piffissami ortodontimi kigutilerisunik immikkut ilisimasalinnik sulilersitsiniarneq annertuumik unammillernartoqarfiuvoq, tamatumunngalu pissutaavoq kigutit kusassarlugit iluarsarneranit kigutinik (atuinissamut) iluarsaaneq siullertut pingaarnertut ineqartariaqarneranik.

- 2. Peqqinnissaqarfiup iluani sipaarutaasinnaasunik nassaarsiorniornermik aalangerneq peqquteqarpa, aningaasat sipaarutaassut tamakku taava sumut atortussanngorlugit inniminnerneqassappat?**

#### Akissut:

Aalajangigaq sipaaruteqarnissaq eqqarsaatigalugu aalajangerneqanngilaq, kisiannili ortodontimi kigutilerisunik immikkut ilisimasalinnik

sulilersitsiniarnermi ajornartorsiuteqartoqaraluartoq suliatigut akisussaassuseqartumik sularinninnermik neqerooruteqarnissaq tunngaviuvoq.

**3. Peqqinnissaqarfimmi aqutsisut aningaasata atoriaannaat piumasaminnut atorsinnaatitaavaat?**

**Akissut:**

Suliaqarfimmi sipaarniarnerit pineqanngillat, taamaattumillu meeqqanut kigutigissaanermi aningaasanik annikillisaasoqassanngilaq.

**4. Naalackersuisut qulaani aalajangikkamut isumaqataasimagunik, meeqqat assigiinngitsuliorfigineqannginnissaat Naalackersuisut qanoq qulakkiissavaat, pissutigalugu kigutininik narlorissaaneq namminersortuni angajoqqaat ilaannit akissaqartinneqanngimmat?**

**Akissut:**

Peqqinnissaqarfiup sullissineri il.il. pillugit Inatsisartut peqqussutaat nr. 15, 6. november 1997-imeersumi erserpoq, najugaqarfik apeqqutaatinnagu peqqinnissaqarfiup sullissinerinut naligiimmik atuisinnaanissaq anguniarlugu peqqinnissaqarfiup sulinini aaqqissuutissagaa. Peqatigitillugu apeqqut 2-mut akissummut innersuussisoqarpoq.

**5. Naalackersuit qulakkeerusuppaat sipaarutit aningaasat atoriaannanngortut meeqqamut tutsinneqarsinnaanerit, taamaalilluni pisortanik akilerneqassasoq kigutilerisuni namminersortuni kigutininik narlorissaaneq?**

**Akissut:**

Apeqqut 3-mut akissut takuuk.

**6. Tamanna pillugu Naalackersuisut allamik soqutigisaqarunik tamanna paasissutissiissutigisinnaavaat?**

**Akissut:**

Ullumikkut kigutininik narlorissaasarnermut ukiumut 2,3 mio. kr.-inik immikkoortitsisoqartarpoq, taakkualu immikkut ilinniagalinnik sulisoqartunut innuttaasunut neqeroorutaapput. Nuna tamakkerlugu suliatigut neqeroorutit naammaginartut atatiinnarniarlugit ukiumut 20 mio. kr.-it missaat aningaasartuutaanerussasut missingerneqarpoq. Nalilerneqarporli suliatigut neqeroorutit naammaginartut pilersinnissaat periarfissaanngitsoq, kigutilerisunik immikkut ilisimasalinnik sulilersitsiniarnermi ajornartorsiuteqarneq pissutigalugu. Bøjlellit sapaatit akunneri 6-it missaat tamaasa kigutilerisumit immikkut ilisimasalimmit takuneqartartussaammata, taamaattumillu kigutilerisunut immikkut ilisimasalinnut kiisalu sulisunut, suliasamat pissarsiariuminaaqisunut, immikkoortortaqarfiit akornanni

annertuumik angalasarnissaq pisariaqassaaq. Tamatuma saniatigut tamanna  
aarlerinaateqartorujussuussaaq, kigutilerisup immikkut ilisimasallip  
immikkoortoq qimaqqanerani, bøjlinik aserornikunik iluarsaasinnaasunik  
sulisoqassanngimmat. Bøjlet aserornikut kigutinut allerunullu  
ajoqutaasinnaapput.

Inussiarnersumik inuulluaqqusillunga  
Med venlig hilsen



Martha Abelsen